



**Rvperti Ab||batis Monasterii || Tvitiensis Ordinis S.  
Benedicti The||ologi antiqui, Opera duo, ut egregia sanè,  
ita diu desiderata, multoq[ue] || labore perquisita, ac  
sumptu haud ita modico ...**

**Rupert <von Deutz>**

**Colonia, M. D. XXVI.**

**VD16 R 3796**

De eo quod Salomon in parabolis loquitur, turris fortissima nomen domini,  
ad ipsam currit iustus & exaltabitur, & quod ille sit iustus qui ex fide huius  
nominis iustificatur.

---

[urn:nbn:de:hbz:466:1-71860](https://nbn-resolving.org/urn:nbn:de:hbz:466:1-71860)

# FRVPER TI ABBATIS

T VITIENSIS DE GLORIFICATIONE TRI,

nitatis, & processione sancti spiritus. Liber .V.

**¶** Be eo quod Salomon in parabolis loquitur, turris fortissima nomen domini, ad ipsam currit iustus & exaltabitur, & quod ille sit iustus, qui ex fide huius nominis iustificatur. Caput .I.



**PES NOSTRA IMMO ET CORONA** spei nostræ tu es, o nomen domini, nomen patris & filij & spiritus sancti; corona (inquam) spei, sicut Propheta dicit: Dñe excelsum est brachium tuum, deus sabaoth corona spei, quæ ornata est gloria. Quid enim aliud quàm te speramus aut sperare debemus, dum loquendo aut scribendo nomen tuum prædicamus & glorificamus: Quid (inquam) aliud sperare debemus, nisi quod diligentes nomen tuum, in te gloriabimur? Nam gloriabuntur in te (ait Psalmista) omnes qui diligunt nomen tuum. Et sapientia dicit: Turris fortissima nomen domini, ad ipsam currit iustus, & exaltabit. Quis uero iustus uel unde iustus? Nun-

Corona spei nostræ Trinitas.

Psal. 7  
Prouer. 18

Psal. 74  
Rom. 3.  
Abac. 2.  
Gene. 17  
Rom. 4

quid ex operibus? Nempe si de operibus agitur, refragatur Psalmista, dicens: quia non iustificabitur in conspectu tuo omnis uiuens, consonante Apostolo, cum dicit: quia ex operibus non iustificabitur omnis caro coram illo. Vnde ergo iustus? Ex fide, quia scriptum est, iustus autem ex fide uiuit. Abraham ex fide iustificatus sicut scriptura dicit: creditit Abraham deo, & reputatum est illi ad iustitiam; deinde (sicut memorauimus) mysterium sanctæ trinitatis in tribus angelis uidere & suscipere meruit. Et nos igitur in hac spe iustitiæ glorificemus te o nomen domini, & hoc nobis sit currere ad turrin fortissimam, & exaltari, quod fidelem contendimus ædificare sermonem super fundamentum fidei, taliter ut turris esse possit in auxilio oportuno, spesq; ista firma sit.

**¶** Be eo quod ad Moysem incipiens loqui deus: hec (inquit) dices filijs Israhel: dominus deus patrum uestrorum, deus Abraham, & deus Isaac, & deus Jacob misit me ad uos, & de nomine Adonay, quod nomen meum (ait) non indicaui eis. Caput .II.

**A**D Moysem deus incipiens loqui, sic inter cætera dixit. Hæc dices filijs Israhel: Dominus deus patrum uestrorum, deus Abraham, & deus Isaac, & deus Jacob, misit me ad uos. Hoc nomen mihi est in æternum. Et alibi ad eundem dicit. Ego dominus qui apparui Abraham, & Isaac, & Jacob in deo omnipotente, & nomen meum Adonay non indicaui eis. Illic subaudiendum est, sicut indicabo tibi. Quandam enim gratiam spiritus sui tunc dabat dominus Moyse, scilicet operationem uirtutum quæ nõ dederat siue indicauerat patribus illis. Neq; enim illæ uirtutes eiusmodi operati sunt, sed sola fide gloriosi fuerunt. Hoc qui perpendit, nimirum rite intelligit hoc dictum, & nomen meum Adonay non indicaui eis. Itemq; illud quod Esaias ubi præmisit, ubi est qui eduxit eos de mari cum pastoribus gregis sui: protinus subiunxit: Vbi est qui posuit in medio eius spiritum sancti sui? & subinde: Spiritus domini ductor eius fuit. Hec (inquã) rite intelligit qui hoc perpendit, quod Moyse pro ratione uel necessitate temporis, quia non dimissurus erat Pharaon populum, nisi in manu forti, gratiam istam accepit à spiritu domini, scilicet operationem uirtutum, quam Apostolus medio scilicet quinto loco ponit in ordine nouem charismatum eiusdem spiritus sancti. Nimirum per istam gratiam, per operationem uirtutum, nomen suum deus indicaui Moyse, & per Moysem omnibus nobis, scilicet Adonay: quod nos generaliter dominum dicimus, ait beatus Hieronymus. Hinc est illud quod Esaias loco supra memorato, cum dixisset, ubi est qui posuit in medio eius

Exo. 3

Exo. 6.  
Nomen meum Adonay non indicaui eis.

Esa. 63  
Cur Moysi potius q̄ prioribus patribus data e operatiu uirtutum  
1. Cor. 12

E 3 spiritus